

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 254 del 01/02/2023

Traduzione in cimbrio

Geöffnet in infopoint von Euregio atz Innsbruck a interaktif auzlegom afte lavìn

Vor in vünfte gedenkhtage von report von lavìn von drai lentar izta khent offegetánt a interaktif auzlegom boda bart stian vor lánge zait kan infopoint von Euregio Tiról-Südtiról-Trentino vo Innsbruck, boda zoaget di stòrdja von bichtegarstn lavìn boda soìn abekhent in di drai lentar sidar in earst bèltkriage.

Vor di tèknesche boda nàstian in lavìn, dar bintar haltet inn ume di 160 tang, in disa zait schiar zboa mildjü laüt gian z'sega di websait valanghe.report.

Dar tagliche report afte lavìn gemacht pittnândar von drai lentar von Euregio, in mearare zungen, iz khent auzgètt da earst bòtta in bintar von djarn 2018/2019. "Azpe pegaistar alpinar skilaüferen, boaze boll garècht bia bichte 'z izta dar boletì von lavìn von Euregio, boda sichart daz mearaste boma mage di laüt boda machan dise spòrt pan bintar, vort bait von piste gemèkket o" asó hatta khött di asesören afte sicharom von Lânt Tiról, Astrid Mair.

Pitt disarn auzlegom dar Infopoint von Euregio khint z'soina a platz bodase mang vennen alle di laüt von Tiról, von Südtiról un von Trentino un helft nà azta nèt azuvalln disgratzie untar di lavìn.

Berda zuargeat mage darvern nèt lai di lestn informatziongen übar di perikole, ma 'z mage khemmen zo khenna allz übar di lavìn, bia da soìn gemacht, biavl da soìn perikolosat un alle di sèlln boda soìn abekhent sidar in earst bèltkriage vürsnen. Darzuar a multimedial quiz boma vennt an lestn dar auzlegom gitt modo, saiz in khindar, saiz in groazan, auzprovàra bazma hatt gelirnt" hatta no khött di Astrid Mair, rüavante di laüt z'sega di auzlegom un khödante vorgèllz gott alln in sèlln boda hãm genump toal in prodjèkt: alle di Dianst vor di lavìn von Euregio, dar team von Euregio, dar kuratör Stephan Hofinger vo idee Concept & Exhibition Engineering GmbH Innsbruck un Martin Kofler von TAP Tiroler Photoarchiv Lienz-Bruneck, boda hatt geholft pittn stòregen fotografian von lavin in ost Tiról. Àndre fotografian auzgelekk soìn khent gètt von arkif vodar statt vo Innsbruck, von österrachegegen Armee Krafte, von Tirólar Perg Schütz un von privàtt arkif Mederle vo Bressanon.

Da ständege auzlegom "Euregio Avalanche Report" mage khemmen gesek kan Infopoint von Euregio in Wilhelm-Greil-Straße 17 vo Innsbruck von menta aftz fintzta von di 9.00 sin di 12.00 un vo di 14.00 sin di 17 un an vrait vo di 9.00 sin di 12.00. Zo bizzasan mearar aftn boletì von lavìn von Euregio makma gian z'sega afte websait <https://valanghe.report>.

Foto un pildar von Euregio

Download pildar un intervista da: <https://we.tl/t-8Q2sPjTXGP> <https://we.tl/t-RCLj05RvpP>

Übarsetzt von Schaltarle vor di zung von Toalkamou vodar Zimbar Hoachebene

(cdt)